

Zeitschrift: Bündner Schulblatt = Bollettino scolastico grigione = Fegl scolastic grischun

Herausgeber: Lehrpersonen Graubünden

Band: 80 (2018)

Heft: 1: Spielen in der Schule

Rubrik: Pagina Rumantscha

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 23.07.2025

ETH-Bibliothek Zürich, E-Periodica, <https://www.e-periodica.ch>

«Carstgauns calan buca da termagliar perquei ch'els vegnan vegls; els vegnan vegls perquei ch'els calan da termagliar.»¹

MONIQUE HUONDER, SCOLASTA D'ENGLES E MENADRA DALLA LUDOTECA MUSTÉR



Emprender enten far termagis

Cun auters plaids: Il meglier ei da vegnir vegls termagliond, pertgei termagliar mantegen ins giuvens.

Termagliar e dar giugs vegn savens aunc resentiu sco passatems da pintga valeta. En scola spetgan ins ch'is affons lavurien ed emprendien quei ch'ei impurtont per la veta enstagl da termagliar e dar giugs.

Affons che van aunc buca a scola termagliant di per di, emprenden ed

exerciteschan aschia habilitads ch'els drovan el mintgadi. Affons carezan termagls da tuttas sorts ed ein fetg creativs. Figuras daventan persunas imaginaras e sch'ins fa bein stem, sche san ins perseguitar co els imiteschan il sedepurtar dils carschi en lur giugs. Pli vegls ch'els vegnan e pli gronda daventa la fascinaziun da computers e telefonins. Quels instruments zun nizeivils san denton era vegnir duvrail per giugs solitaris e meinan enqualin ella dependenza da giugar bunamein di e notg senza in visavi.

Termagliar e dar giugs possibilitescha oriundamein da sedar giu in cun l'auter e quei per plascher e divertiment dils participonts. Quell'interacziun ei activa, scolescha empatia, promova convivenza e comunicazion e treneschava savens habilitads motoricas. Giugs specifics promovan aunc ulteriuras habilitads. Affons exerciteschan da leger e quintar, dad explicar e da setener vid reglas. Els emprendan dad esser tolerants, da spiarder e budignar en dignitat. Quei ein cumpetenzas socialas che vegnan dabien ad els sez ed al contourn.

Differentas spartas da termagls

Sco ludotecara e scolasta secundara ha jeu saviu osservar ils davos 20 onns beinenqual trend. Jeu differenzieschel treis spartas giugs:

- giugs da famiglia
- giugs electronics
- giugs concepi a posta per la scola

Suandonta survesta porscha ina schelta da giugs adattai per l'instrucziun da lungatgs:

Empermettent

Pertgei buca porscher al scalem primar il rom facultativ «GIUG»? Ei retractass d'ina leczun divertanta che scolescha ils differents sensoris digl affon. Specialmein adattau fuss ina tala purschida specialmein leu nua ch'is affons enconuschan buca il dar giugs en famiglia.

La Ludoteca Mustér presenta adina puspei novs giugs e giugs ch'ein secumprova a scolastas e scolasts.

giug	trenament da	vegliadetgna	criteri	plascher
Quizlet live	scazi da plaids	10 +	emprender en gruppa	☺☺☺
Quartet	scazi da plaids, verbs irregulars	8 +	dumandar, repeter, tener cartas	☺☺☺
Tabu	scazi da plaids, declarar plaids senza duvrar certas expressiuns	12 +	emprender en gruppa declarar e controliar	☺☺
Get a letter	scazi da plaids	10 +	clamar giu savida sut stress, duell individual ni en gruppa	☺☺
4 gudogna	verbs irregulars	12 +	duell	☺☺
Jenga	verbs irregulars	12 +	motorica fina, memoria	☺☺☺
giug dallas scalas	plaids, cefras, grammatica, conuschienschasche generala, lectura	5 - 99	tener ora frust memoria	☺☺☺
Top Trumps	Scazi da plaids animals, adjektivs	12 +	cumparegliazun dad adjektivs, emprender en gruppa	☺☺☺
Story cubes	tut ils lungatgs	5 - 99	fantasia, raquintar	☺☺
Lotto	diembers, temps, colurs, meins....	5 - 99	motorica fina, memoria	☺☺☺
Absolutely English	Scazi da plaids, grammatica, savida generala	13 +	emprender en in team	☺☺☺ pretensiun
Dobble	Animals, there is/there are	11 +	observar ed anfiar detaglis	☺☺
Tic tac bumm	scazi da plaids	13 +	clamar giu plaids sut stress	☺☺☺

Ella cussegia e metta a disposizun tals pil diever era en scola. A caschun d'in luvratori public che vegn realisaus el decours dalla primavera proxima muossan ed instrueschan affons da

scola a consolaras e consolgars d'autras classas, a geniturs ed interessai quei ch'els giogan cun plascher ordeifer il temps da scola.

¹ Oliver Wendell Holmes (1809 - 1894), medi american